



XUNTA DE GALICIA

DELEGACION TERRITORIAL DE VIGO

Xefatura Territorial da Consellería do Mar
Servizo de Recursos Mariños

R/Concepción Arenal, 8, 4ª planta
36201 – Vigo
Tfno.: 986 817 128 Fax: 986 817 030

RESOLUCIÓN DO 5 DE XANEIRO DE 2020 DA XEFATURA TERRITORIAL DA CONSELLERÍA DO MAR DE VIGO POLA QUE SE AUTORIZA O EMPREGO DA LISTA DE RESERVA XURDIDA DA RELACIÓN DEFINITIVA DE PERSOAS NON SELECCIONADAS PARA TER ACCESO AO PERMISO DE EXPLOTACIÓN PARA MARISQUEO A PÉ NA CONFRARÍA DE CAMBADOS

ANTECEDENTES

Primeiro. Mediante a resolución do 14 de xullo de 2020, da xefa territorial da Consellería do Mar en Vigo, publícase a relación definitiva de aspirantes seleccionados e non seleccionados para o acceso ao permiso de explotación na modalidade de marisqueo a pé para o exercicio da actividade extractiva no ámbito territorial da confraría de pescadores de Cambados. A lista de non seleccionados constitúe unha lista de reserva, que poderá ser empregada para cubrir as vacantes que se produzan durante o ano da súa vixencia.

Segundo. O día 29 de xullo de 2020 a confraría de Cambados solicita o emprego da lista de reserva para cubrir cinco vacantes. Mediante Resolución do 18 de agosto de 2020 da xefa territorial da Consellería do Mar en Vigo autorízase a cobertura desas vacantes.

Terceiro. O día 26 de outubro de 2020 a confraría de Cambados solicita o emprego da lista de reserva para cubrir tres novas vacantes. Mediante Resolución do 2 de novembro de 2020 (Corrección de erros do 3 de novembro de 2020) da xefa territorial da Consellería do Mar en Vigo autorízase a cobertura de dúas das tres vacantes.

Cuarto. Unha vez completados os trámites administrativos pertinentes compróbase o cumprimento dos requisitos necesarios para a cobertura da terceira vacante solicitada pola confraría o día 26 de outubro de 2020 e mediante Resolución do 13 de novembro de 2020 autorízase a cobertura da terceira vacante solicitada.





XUNTA DE GALICIA

DELEGACION TERRITORIAL DE VIGO

Xefatura Territorial da Consellería do Mar
Servizo de Recursos Mariños

R/Concepción Arenal, 8, 4ª planta
36201 – Vigo
Tfno.: 986 817 128 Fax: 986 817 030

Quinto. O día 10 de decembro de 2020 a confraría de Cambados solicita o emprego da lista de reserva para cubrir unha nova vacante que foi autorizada mediante a Resolución do 11 de decembro de 2020.

Sexto. O día 30 de decembro de 2020 a confraría de Cambados solicita o emprego da lista de reserva para cubrir tres novas vacantes que xurden pola xubilación de tres mariscadores.

CONSIDERACIÓNS LEGAIS E TÉCNICAS

Primeiro. Esta Xefatura Territorial é o órgano competente para o outorgamento dos permisos de explotación de conformidade co establecido no Decreto 425/1993, do 17 de decembro, polo que se refunde a normativa vixente sobre o permiso de explotación para exercer a actividade pesqueira e marisqueira, modificado polo Decreto 114/2007, de 31 de maio e polo Decreto 48/2013, do 7 de marzo.

Segundo. A Orde da Consellería do Mar do 15 de xullo de 2011 pola que se regula o permiso de explotación para o marisqueo a pé (DOG nº 144 de 28 de xullo de 2011) establece no seu artigo 7 a constitución dunha lista de reserva integrada pola relación definitiva de persoas non seleccionadas que non foron excluídas do procedemento selectivo, cunha vixencia dun (1) ano que se contará desde o día seguinte ao da publicación da resolución da xefatura territorial.

A confraría de pescadores ou entidade asociativa, de conformidade coa agrupación sectorial, de estar constituída, poderá solicitar á xefatura territorial correspondente o emprego da lista de reserva nos seguintes supostos:

- a) Cando se produzan vacantes durante o proceso de outorgamento.
- b) Cando se produzan vacantes durante a vixencia dos plans de xestión correspondentes.





XUNTA DE GALICIA

DELEGACION TERRITORIAL DE VIGO

Xefatura Territorial da Consellería do Mar
Servizo de Recursos Mariños

R/Concepción Arenal, 8, 4ª planta
36201 – Vigo
Tfno.: 986 817 128 Fax: 986 817 030

Unha vez feitos os trámites administrativos pertinentes compróbase o cumprimento dos requisitos necesarios para a cobertura das vacantes solicitadas pola confraría.

Terceiro. Correspóndelle a esta Xefatura Territorial ditar esta resolución de acordo co disposto no Decreto 245/2009 do 30 de abril, polo que se regulan as delegacións territoriais da Xunta de Galicia.

Á vista do exposto, esta Xefatura Territorial, en virtude das competencias atribuídas,

RESOLVE:

Autorizar o emprego da lista de reserva para cubrir as prazas vacantes e publicar os nomes das persoas seleccionadas para o outorgamento do permiso de explotación de marisqueo a pé na confraría de Cambados:

| <u>APELIDOS E NOME</u> | <u>DNI</u> |
|--------------------------------|------------|
| LORENZO DIOS, PAULA | ***7738** |
| EIRIN CORES, ROSA | ***5812** |
| GONZÁLEZ GONZÁLEZ, JOSÉ RAMIRO | ***6282** |

(*) *Ocúltase parcialmente o número de documento nacional de identidade para preservar os datos de carácter persoal, de acordo coa Lei orgánica 15/1999, do 13 de decembro.*

A persoa seleccionada deberá acreditar no prazo de quince (15) días hábiles, que se contarán dende o día seguinte ao que se publique esta resolución, os requisitos para obter o permiso de explotación; de non facerse así neste prazo, entenderase que decae do seu dereito. Debe presentar a seguinte documentación:

a) Fotografía co seu nome e DNI escrito por detrás.

b) Documentación que acredite que a persoa non está incapacitada para exercer os labores de marisqueo.

c) No caso de non ter sido asinada a autorización da consulta: certificado que acredite que a persoa non é perceptora da renda de integración social de Galicia (RISGA).





XUNTA DE GALICIA

DELEGACION TERRITORIAL DE VIGO

Xefatura Territorial da Consellería do Mar
Servizo de Recursos Mariños

R/Concepción Arenal, 8, 4ª planta
36201 – Vigo
Tfno.: 986 817 128 Fax: 986 817 030

As persoas perceptoras do RISGA, deberán de achegar un escrito de renuncia a esta renda.

d) No caso de non ter sido asinada a autorización para a consulta: certificado da Seguridade Social que acredite que a persoa non é perceptora de pensións de xubilación, grande invalidez, incapacidade permanente absoluta, incapacidade permanente total, en favor de familiares.

e) No caso de non ter sido asinada a autorización para a consulta do certificado de mariscador no caso de que o posúan e non fose presentado coa solicitude: copia do certificado de mariscador.

Aquelas persoas que non o posúan, terán que realizar o curso a primeira vez que sexan convocados - salvo causa debidamente xustificada - pola Dirección xeral de Desenvolvemento Pesqueiro.

A documentación requirida deberá dirixirse á Xefatura Comarcal do Mar en Vilagarcía de Arousa.

As persoas que dentro do prazo fixado non presentasen a documentación ou do exame dela se deducise que carecen dalgún dos requisitos sinalados na base I.2. da convocatoria, entenderase que desisten da súa solicitude (*excepto o certificado de mariscador. Ver aptdo. d*)).

Neste caso, emitirase unha nova resolución modificando esta, na que se indicarán as persoas aspirantes seleccionadas pola desistencia das persoas que non presentaron a documentación ou carecen dos requisitos, outorgándolles un prazo de quince (15) días hábiles, que se contarán a partir do día seguinte ao da publicación da nova resolución, para que acheguen a documentación que figura na base III da convocatoria.

De conformidade co disposto nos artigos 121 e 122 da Lei 39/2015, do 1 de outubro, do Procedemento Administrativo Común das Administracións Públicas (BOE núm. 236, do 2 de outubro de 2015), contra esta resolución, que non esgota a vía





galicia

XUNTA DE GALICIA

DELEGACION TERRITORIAL DE VIGO

Xefatura Territorial da Consellería do Mar
Servizo de Recursos Mariños

R/Concepción Arenal, 8, 4ª planta
36201 – Vigo
Tfno.: 986 817 128 Fax: 986 817 030

administrativa, poderán interpor recurso de alzada ante a conselleira do Mar no prazo de un mes a contar dende o día seguinte ó da súa notificación.

-documento asinado dixitalmente á marxe-

